

# RI AJAF YOJRU-BEN BENDECIR VI NIKA-TAKEJ RI RU-PIXA'

## RI NI-C'UT

Ri Dios ru-yo'on pe chike ri ru-pixa' roma Rija' yalan yojr-ajo' y n-rayij chi c'o quicoten k-iq'uin. Vi nika-takej ri ru-pixa' ri Dios, xkoj-quicot chupan re c'aslen re' y xkoj-c'oje' qu-iq'uin ri ka-familia chupan ri c'aslen jumul y xkoj-oc juba' achi'el ri Dios.

## RI NI-RAYIX

Tok c'achon yan ri c'utic, ri familia xti-k'ax pa qui-vi' ri achique roma ri Dios nu-ya' ri ru-pixa' chike. Xtic-ajo' xtiqu-il jun qui-jiquibal chirij ri ru-pixa' ri Dios roma ri qui-takexic qu-ichin.

## RU-CHOJMILAL

TIJONIC 1: Ri ru-pixa' ri Dios niqui-c'ut chikavech ri ru-beyal ri c'aslen r-ichin jumul.

TIJONIC 2: Tok nika-takej ri pixa' r-ichin ri ru-lajch'ap, nik-etamaj r-ichin man oj q'uec' ta y yeka-c'ul ri bendiciones r-ichin ri Ajaf.

TIJONIC 3: Tok nika-takej ri pixa' r-ichin ri ch'ajch'ojinic, roj oj ch'ajch'oj y nika-c'ul r-utzil ri Lok'olej Espiritu, y c'o mas ajovabel chupan k-achoch.

TIJONIC 4: Tok nika-takej ri Pixa' r-ichin Ruxnakil, ri Ajaf nu-ya' chike ri bendiciones aj ruvach'ulef y aj chicaj chuka'.

TIJONIC 5: Tok nika-takej ri pixa' r-ichin ri uxlanibel k'ij yoj-oc mas choj y nik-etamaj mas chirij ri evangelio.

TIJONIC 6: Ri Lajuj Pixa' xe-yo'ox chike richin yojqui-yukej k'ij k'ij.

TIJONIC 7: Nika-c'ul jun bendicion pa ru-k'a' ri Ajaf tok nika-takej ri pixa' ri nu-suj ri bendicion ri'.

(Vi ri k-ach'alal nu-bij "mani," ta-c'utuj chire re preguntas re' y ta-tija' a-k'ij richin nav-etamaj achique roma rija' c'o ca'ii' ru-c'u'x:)

--¿La na-nimaj rat chi c'o jun c'aslen chirij re c'aslen re'?

--¿La na-nimaj rat chi ri Dios xtu-mej ri a-familia chavecñ rat vi ni-takej ri ru-pixa' Rija'?

--¿La man nav-ajo' ta rat ye'a-takej ri ru-pixa' ri Dios? (Juan 14:15.)

--¿La na-bij rat chi ri Dios man ni-tiquir ta nu-ya' chive richin yix-c'oje' junan jumul?

Levitico 27:30-34; Mateo 23:23; Hebreos 7:1-4; Alma 13:14-16; 3 Nefi 24:7-10.

(Vi ri k-ach'alal nu-bij "mani," ta-bij chire quere':)

K-ach'alal Xicay, ri Ajaf nu-rayij chi rat nav-etamaj ri ru-baniquil re pixa' re' richin queri' c'o modo na-takej. ¿La nav-ajo' nav-etamaj achique ri Ajaf nr-ajo' chi rat na-ben?

(R-iq'uin juba' xtav-ajo' xta-c'utuj chire quere':)

**TIJONIC 1: RI RU-PIXA' RĪ DIOS NIQUI-C'UT CHIKAVECH RI RU-BEYAL RI C'ASLEN R-ICHIN JUMUL.**

*Tijonel:* Nika-c'avamaj roma oj c'o iv-iq'uin, K-ach'alal Xicay. Ri Ru-iglesia ri Jesucristo qu-ichin ri Chojlaxela' Chupan ri Ru-q'uisibel Tak K'ij, man juman ta chiquevech ri ch'aka chic iglesias roma can ja vi ri Cristo ri x-yo'on pe chic chuvach'ulef roma ri ru-profeta José Smit. Chupan re utzilej iglesia re', roj yek-il c-onojel ri ru-pixa' ri Dios ri e ru-yo'on Rija' chike roma yojr-ajo' janila y nr-ajo' yojru-yukej richin yoj-oc juba' ch'ajch'oj. Rija' xubij, "Vi ni-takej ri nu-pixa' y yix-coch'on c'a pa ru-q'uisibel, xti-vil ri c'aslen r-ichin jumul y ja ri' ri sipanic mas nim r-ichin ri Dios. ¿La nav-ajo' chave rat y chiquijujunal ri a-familia ri c'aslen r-ichin jumul r-iq'uin ri Dios?

*Xicay:* C'ulubanic

*Tijonel:* Pues can c'o modo, vi ni-takej ri ru-pixa' Rija'. Tok nika-takej ri ru-pixa' ri Dios, Rija' yojru-ben bendecir' Vi man nika-takej ta ri ru-pixa', manak modo chi Rija' nu-ya' chike ri ru-bendiciones. Ri bendición mas nim r-ichin ri Ajaf ja ri sipanic r-ichin ri c'aslen r-ichin jumul; y xaxe ni-yo'ox chique ri ye-taken qu-ichin c-onojel ri ru-pixa' ri Ajaf. Vi rix chuka' ye'i-takej c-onojel ri ru-pixa' ri Dios, xti-ch'ec ri c'aslen r-ichin jumul qu-iq'uin ri i-familia chupan ri r-ajavaren ri Dios. Vi can kitzij vi nik-ajo' ri Ajaf, xqueka-takej ri ru-pixa'. Koj-tzijon c'a juba' chiquij ri ru-pixa' ri Cristo richin niv-etamaj rix achique nu-rayij ri Ajaf chi rix ni-ben.

**TIJONIC 2: TOK NIKA-TAKEJ RI PIXA' R-ICHIN RI RU-LAJCH'AP, NIK-ETAMAJ R-ICHIN MAN OJ Q'UEC' TA Y YEKA-C'UL RI BENDICIONES R-ICHIN RI AJAF.**

*Tijonel:* Ri pixa' r-ichin ri diezmos ja re' jun kitzij ru-pixa' ri Dios ri x-yo'ox chique ri profetas ojer can. Chupan re k'ij re' ri Ajaf xu-c'ut chuvech ri José Smit chi ri pixa' re' c'a ni-c'atzin na chike. Ri Ajaf ru-banon mandar chike richin chi nika-toj chire ri lajuz parte richin ri nika-ch'ec. Ja re' ri pixa' r-ichin ri ru-lajch'ap o diezmo ni-bix chire. Vi nika-ch'ec lajuz quetzal, c'o chi nika-ya' jun quetzal chire ri Ajaf. O vi ri k-ulef nu-ya' lajuz ya'l r-ichin ri jel, c'o chi nika-tzolij jun ya'l chire ri Ajaf. ¿La nav-ajo' nav-etamaj achique roma ni-c'atzin chi na-toj ri diezmos?

*Xicay:* C'ulubanic

¿Achique roma man nu-rayij ta av-ánima nr-etamaj ru-baniquil ri pixa' r-ichin ri diezmo?

(C'a ri', ta-chapa' chic ru-tijoxic.)

(Vi ri k-ach'alal nu-bij 'mani," o vi c'o ca'i' ru-c'u'x, ta-c'utuj chire quere':)

--¿La man na-nimaj ta rat chi ri Ajaf ni-tiquir yaru-ben bendecir?  
--¿La na-cukuba' a-c'u'x r-iq'uin ri ru-tzij ri Jesucristo e c'o tz'ibatel can chupan ri lok'olej escritura?

(Ru-c'amon chuka' chi na-jiquiba' chuveh ri k-ach'alal chi ri Ajaf benek ru-vech nu-ya' chike ri ru-bendiciones tok yeka-takej ru-pixa'.)

(Vi ri k-ach'alal nu-k'ijuj chi manak modo nu-toj ri diezmo roma rija' yalan pobre, ta-ya' chire ri a-jiquibal chirij re pixa' re'. Chuka' c'o modo chi na-ben leer chupan ri Biblia pa Lucas 21:1-4 y na-bij quere':)

K-ach'alal re tzij re' nu-c'ut chikavech chi ri Ajaf nu-rayij chi ri pobre chuka' niq'itakej ri ru-pixa'. Chuka' nu-bij chike chi vi na-tej a-k'ij r-iq'uin r-onojel av-ánima richin na-toj ri diezmos, Rija' xcaru-to' y xcaru-ben bendecir janila."

(Vi nu-k'ijuj ri k-ach'alal chi man c'atzinel ta ri pixa' r-ichin ri ru-lajch'ap, ta-camuluj juba' re tijonic re' y ta-bij chire:)

K-ach'alal Xicay, rat av-etaman chic ri ru-baniquil ri oración. ¿La xta-c'utuj rat chire ri Ajaf pa oración vi Rija' nu-rayij chi rat na-toj ri diezmo?

*Tijonel:* Ri pixa' r-ichin ri diezmo ni-c'atzin chike roma ni-cusex richin ni-pabex ri Ru-iglesia ri Jesucristo chuech re ruvach'ulef. Ni-cusex richin ye-pabex jebel tak jay r-ichin ri Dios y richin ye-pabex chuka' jebel tak escuela. Chuka' ri pixa' r-ichin ri diezmos yojru-to' richin chi man oj q'uec' ta roma nu-ya' chike richin nika-tzoli'j chire ri Ajaf juba' ri nu-sipaj Rija' chike. Yin nin-jiquiba' chivech chi tok ni-toj ri diezmo chire ri Ajaf, Rija' xkixru-ben bendecir y rix xti-nuc' apo ivi' richin ri ru-c'an petebel r-ichin ri Cristo. Ta-bana' na leer chupan ri Doctrinas y Convenios 64:23.

*Xicay:* Nu-tz'et juba' ri DyC 64:23.

*Tijonel:* K-ach'alal, roj nika-jiquiba' chivech chi ri pixa' r-ichin ri diezmos can r-ichin vi ri Ajaf. Rija' yixr-ajo' y roma ri', yeru-suj chive e q'uiy ru-bendiciones vi ni-takej re pixa' re'. Tok na-ch'ec lajuy quetzales y na-toj jun chire ri Ajaf, rat chuka' xtav-etamaj chi re pixa' re' can kitzij vi r-ichin ri Dios roma Rija' xcaru-ben bendecir. Tika-tz'eta' juba' ri nu-bij ri Ajaf chupan ri lok'olej vuj.

*Xicay:* Nu-ben leer ri Malaquías 3:8-12.

*Tijonel:* ¿La jebel nav-ac'axaj rat re tzij re'? La na-bij rat chi ri Ajaf xtu-ya' chive re bendiciones re' vi na-toj ri diezmo?

*Xicay:* C'ulubanic

*Tijonel:* K-ach'alal Xicay, roj nika-toj ri diezmo y nika-jiquiba' chivech chi ri Ajaf nu-k'ej ru-bendiciones pa ru-vi' ri ni-taken r-ichin re pixa' re'. Vacami, ri Ajaf nr-ajo' nu-ya' chive rix re bendiciones re'. Roma ri' yixka-pixabaj richin ni-takej ri pixa' r-ichin ri diezmos y chejujun lajuy na-ch'ec nav-elesaj jun r-iq'uin y na-toj chire ri Ajaf. ¿La can xti-ben vi ri queri'?

*Xicay:* C'ulubanic

*Tijonel:* K-etaman chi re pixa' re', c'ayef juba' richin nika-takej. Pu vi c'o i-cukubabel c'u'x r-iq'uin ri Ajaf, xkix-tiquir xti-takej, roma rix ix r-alc'ual ri Dios y Rija' xtu-ya' iv-uchuk'a' richin can xti-ben vi.

1 Corintios 3:16-17; Efesios 5:1-7; Jacob 2:28-32; Alma 39:1-5,9; Dyc 38:24; Dyc 121:45-46.

(Vi majani ti-k'ax pa ru-vi' achique roma c'atzinel re pixa' re', ta-bij chire:)

K-ach'alal Xicay, r-iq'uin juba', c'o ri nav-ajo' na-c'utuj chike chirij ri pixa' r-ichin ri ch'ajch'ojinic. ¿Achique c'a ri man utz ta ni-k'ax pan a-vi'?

(Vi rija' nu-ben ca'i' ru-c'u'x chirij re pixa' re', ta-bij chire quere!)

E c'o ri niqul-bij chi utz vi yoj-macun r-iq'uin xabachique ixok o achin y ri' manak ru-banon. ¿Achique nu-bij ri av-ánima rat? ¿La utz ri' o manak?

(Chuka' c'o modo na-c'utuj chire:)

K-ach'alal Xicay, ¿la na-bij rat chi ri Ajaf utz nu-tz'et vi yoj-be chirij jun chíc ixok vi man k-ixjayil ta o vi majani koj-c'ule'?

(Vi c'a c'o na ca'i' ru-c'u'x, r-iq'uin c'a juba' c'o ru-mac y man utz ta nu-na'. Y vi queri' nu-ben rija', ni-c'atzin chi ya-tzijon r-iq'uin pa ru-yonil nabey chuveh ri c'utic apo. Ri tijonela' ixoki' c'o chi nic-oyo'j ri qui-yukenel richin chi rija' ni-tzijon r-iq'uin ri K-ach'alal Xicay.)

**TIJONIC 3:** TOK NIKA-TAKEJ RI PIXA' R-ICHIN RI CH'AJCH'OJINIC.  
ROJ OJ CH'AJCH'OJ Y NIKA-C'UL R-UTZIL RI LOK'OLEJ  
ESPIRITU, Y C'O MAS AJOVABEL CHUPAN K-ACHOCH.

*Tijonel:*

K-ach'alal Xicay, jun chic ru-pixa' ri Ajaf ja ri pixa' r-ichin ri ch'ajch'ojinic. Re' yixru-pixabaj chi man ru-c'amon ta chi jun chive rix n-oc r-iq'uin jun chic ixok o achin vi man ja ta ri' ri av-ixayil o ri av-achijil. Ri Ajaf ru-yo'on chike richin ye-c'oje' ri k-alc'ual. Achi'el jun k'ak' ni-tiquir yeru-tzij ch'aka chic k'ak', chuka' ri ka-ch'acul c'o c-uchuk'a' richin ye'qui-tz'uc ch'aka chic ch'aculaj. Re k-uchuk'a' re' richin ye-c'oje' k-alc'ual yalan lok'olej y xaxe ru-c'amon chi nika-cusaj re uchuk'a' re' tok oj c'ulan chic. Ja ri' ri pixa' r-ichin ri ch'ajch'ojinic. Utz re uchuk'a' re' roma nu-ya' chike chi ye-c'oje' ka-familias y xaxe chupan ri ka-familia n-ilitej ri quicoten mas nim. Vi utz na-cusaj re uchuk'a' re' nim quicoten xti-c'oje' av-iq'uin. Pu vi ya-tz'i'in o na-cusaj richin vinakirisanic r-iq'uin jun chic ri man av-ixjayil o av-achijil ta, yalan mac y rat y ri a-familia xquix-bison y ri Ajaf man xquixru-ben bendecir ta. R-iq'uin c'a re nimalej uchuk'a' re', c'o jun rayibel yalan nim chuka'. Pu roma yalan nim ri rayibel ri' e c'o bey tok nik-ajo' ta nik-okotaj ri ru-pixa' ri Ajaf y nika-ben ri man utz ta r-iq'uin jun chic ixok o achin. Pero ru-c'amon chi nika-tanaba' ri rayibel ri' roma vi yoj-macun r-iq'uin ri uchuk'a' richin yoj-vinakir manak modo chi yoj-jel apo r-iq'uin ri Ajaf y ri kitzij quicoten man c'o ta k-iq'uin. Ri ka-ch'acul yalan lok'olej chuka' y man ru-c'amon ta chi ye-mal o ye-nak ri i-ch'acul rix stape iv-oma rix mismo o r-oma jun chic, richin yix-macun. Man utz ta chuka' chi ni-k'ijuj ri man utz ta. Xaxe vi oj c'ulan chic c'o modo nika-cusaj ri uchuk'a' richin vinakirisanic r-iq'uin ri k-ixjayil o k-achijil. Xabachique chic ru-cusaxic re uchuk'a' re' xe yalan mac, y ri Ajaf ru-bin can chi man tika-bana'. K-ach'alal Xicay, zachique roma na-bij rat chi yalan ni-c'atzin chi rat na-takej ri pixa' r-ichin ri ch'ajch'ojinic?

*Xicay:*

C'ulubanic

*Tijonel:*

Ri pixa' r-ichin ri ch'ajch'ojinic chuka' nr-ajo' chi choj ru-baniquil ri tziak ri nika-cusaj. Chuka' ru-c'amon chi ch'ajch'oj ri ka-ch'abel y ka-nojibal. Ri Jesús xu-bij chi ri ka-banobal ye-tz'uctej chupan ri ka-nojibal. Que c'a vi ri', richin ni-c'oje' choj ri ka-banobal ni-c'atzin chi ni-c'oje' choj ri ka-nojibal.

Yalan ni-c'atzin chi ni-takej rix ri pixa' r-ichin ri ch'ajch'ojinic richin chi ye'i-c'ul ri ru-bendición ri

(Vi nu-bij "mani," ti-jiquiba' ivi' chi ni-k'ax pa ru-vi' ri ru-baniquil ri pixa'. Tok ni-c'atzin, ca-tzijon r-iq'uin pa ru-yonil richin na-to' rija' richin ni-tzolin pe ru-c'u'x che ri ru-mac.)

1 Corintios 3:16-17; Proverbios 20:1; Daniel, tanaj 1; Dyc 29:34.



Dios. Ri man ye-taken ta r-ichin re pixa' re xti-sach qui-c'u'x y ri Ajaf man can ta yeru-to'. Chuka' vi ni-takej re pixa' re' c'o mas ajovabel y cukubabel c'u'x chupan ri iv-achoch. Chuka' ri iv-alc'ual xtiq'u-etamaj richin niq'ui-takej re pixa' re' y utz xtiq'ui-ben apo chique ri qu-ixjayil o c-achijil rije'. ¿Achiq'ue modo xquixru-ben bendecir ri Ajaf vi ni-takej re pixa' re', K-ach'alal Xicay?

*Xicay:* C'ulubanic

*Tijonel:* (Ta-to' ri k-ach'alal richin chi rija' nr-etamaj chi vi rija' nu-takej re pixa' re', xti-c'oje' mas ajovabel y cukubabel c'u'x chupan ri r-achoch y rija' xti-jel apo mas r-iq'uin ri Jesucristo.)

K-ach'alal Xicay, ¿la nav-ajo' na-c'ul re bendiciones re'?

*Xicay:* C'ulubanic

*Tijonel:* Roj nika-jiquiba' chivech chi xque'i-c'ul re bendiciones re' vi ni-takej ri pixa' r-ichin ri ch'ajch'ojinic. Mas nim xti-c'oje' ri ajovabel chupan iv-achoch y ri Ajaf xtu-ya' chive ri ni-c'atzin che ri i-c'aslen chuvech re ruvach'ulef y chuka' ri ni-c'atzin chire iv-ánima. ¿La xti-takej rix ri pixa' r-ichin ri ch'ajch'ojinic?

*Xicay:* C'ulubanic

#### TIJONIC 4: TOK NIKA-TAKEJ RI PIXA' R-ICHIN RUXNAKIL, RI AJAF NU-YA' CHIKE RI BENDICIONES AJ RUVACH'ULEF Y AJ CHICAJ CHUKA',

*Tijonel:* Ri apóstol Pablo xu-bij chi ri ka-ch'acul ja ri r-achoch ri Ajaf. Queri' xu-bij, roma vi ch'ajch'oj ri ka-ch'acul, c'o modo chi ri ru-espíritu ri Ajaf ni-c'oje' k-iq'uin. Chupan re k'ij re', ri Jesucristo ru-k'alajirisan juba' chic, y ru-bin can chi c'o bey re' tok ri achi'a' niq'ui-yoj ri qui-ch'acul r-oma ri niq'ui-tej. Xu-bij chi ri tabaco (sic'), ri café ri té, ri agua ardiente y ri itzel tak ak'om, man utz ta niq'ui-ben che ri ka-ch'acul. ¿Achiq'ue chique re re' ni-tej rix?

*Xicay:* C'ulubanic

*Tijonel:* K-etaman chi ri Ajaf nu-ya' chike c-onojel ri ru-pixa' roma yojr-ajo' janila. Rija' oj ru-pixaban chi man koj-sic'an y man tika-tija' ya' y chuka' café y té, roma Rija' r-etaman chi man utz ta che ri ka-ch'acul. Tok na-takej re pixa' re', mas utz c'a ri a-ruxnakil. Pu ri mas ni-c'atzin chive ja chi ri a-ch'acul xti-ban ch'ajch'oj richin chi ri espíritu r-ichin ri Ajaf ni-c'oje' av-iq'uin. Tika-bana' na leer chiquij ri jebel tak bendiciones ri Ajaf yeru-suj chive, vi na-takej re pixa' re'.

*Xicay:* Nu-tz'et ri DyC 89:18-21.

*Tijonel:* Re pixa' re' ru-bini'an Ri Pixa' r-ichin Ruxnakil y yeru-suj chive re bendiciones re': (1) utz a-ruxnakil, (2) q'u'iy av-etamabel, (3) av-uchuk'a' y (4) ru-ch'ajinic.

(Vi ri k-ach'alal nu-bij 'mani,' o vi c'o ca'li' ru-c'u'x, ta-c'utuj chire quere':)

--K-ach'alal, nika-tz'et chi ya-cacot juba'. ¿Achique c'a ri man ni-k'ax ta pan a-vi' r-richin re pixa' re'?

--¿La nu-na' ri av-ánima chi ri Ajaf ru-yo'on chike re pixa' re' roma yojr-ajo'?

--¿La na-bij rat chi ri café y ri alcohól y ri sic' utz niqú-ben che ri ka-ch'acul? (Vave' c'o modo na-ben leer juba' chupan ri Dyc 89 richin nu-c'ut chuveh ri k-ach'alal achique ru-cusaxic ri tabaco y ri alcohól.)

--¿La e c'o ri a-amigo ri itzel xque-ch'o ka chavij vi na-takej re pixa' re'?

(R-iq'uín juba' xtav-ajo' xta-ben jun ti c'ambel tzij richin nu-c'ut chuveh ri k-ach'alal chi ri Ajaf ru-yo'on chike re pixa' re' roma yojr-ajo'. Ta-bana' quere':)

Tijonel: K-ach'alal Xicay, rat yalan ye'av-ajo' ri av-alc'ual, ¿peja? Vi ix c'o chuchi jun nima'k bey, rat xta-bij chique ri av-alc'ual chi man que'-etz'an pa bey, roma r-iq'uín juba' jun ch'ich' yeberu-camisaj. Y chuka' na-tijoj chique chi man tiqui-ya' qui-k'a' chupan ri k'ak' richin man ye-c'at ta. Pues, rat utz ye'a-chajij ri av-alc'ual y can que chuka' vi ri' nu-ben ri Ajaf. Rija' ru-bin can chike chi man tika-tej ya' y ri café y ri té y ri sic', roma yojr-ajo' y man nr-ajo' ta chi ni-yojtej ri ka-ch'acul. ¿La na-bij rat chi ri Ajaf nr-ajo' chi ni-yojtej ri ka-ch'acul?

Xicay: C'ulubanic

Tijonel: ¿La utz na-tz'et c'a rat chi ri Ajaf ru-yo'on chike re pixa' re'?

Xicay: C'ulubanic

(Vi c'a ni-cacot na ri k-ach'alal, ca-jiquíban chuveh pa ru-vi' re pixa' re' y ta-bij chique chi tiqui-tejtobej ri pixa' richin chi rije' chuka' niqú-etamaj chi can r-richin vi ri Ajaf. Chuka' c'o modo na-tz'et ri xu-c'uluvachij ri Daniel. (Daniel 1:5,8,11-17.) Vi ni-cacot roma ri xtiqú-bij ri ru-amigos o vi nu-k'ijuj chi man ni-tiquir ta nu-takej re pixa' re' xa ta-chapa' chic ru-tijoxic richin ekal nu-tz'et achique roma ru-c'amon chi rija' nu-takej.)

¿La nav-ajo' na-takej re pixa' re' richin chi na-c'ul re bendiciones re'?

*Xicay:* C'ulubanic

*Tijonel:* Roj nika-jiquiba' chivech chi ri Ajaf xtu-ya' chive utz i-ruxnakil y iv-etamabal, iv-uchuk'a', ru-chajinic y jebel quicoten pan av-achoch. Roj nik-ajo' chi ye'i-c'ul re bendiciones re'. Yixka-pixabaj chi ti-chamaba' na vacami yan, qui-cusaxic ri sic', ri café, ri té, ri cuxa o ri agua ardiente ni-bix che y ri ch'aka chic achique man utz ta che ri a-ch'acul. ¿La xti-ben?

*Xicay:* C'ulubanic

*Tijonel:* Vi c'o juba' ri café o ri té o ri sic' o ri agua ardiente (cuxa) av-iq'uin r-iq'uin juba' tok ni-q'uis re platica re', c'o modo yixka-to' richin ye'i-torij el. ¿La utz ri'?

*Xicay:* C'ulubanic

*(Vi e'a ni-cacot na, man ta-ben chi rija' man utz ta nu-na'. Xe ta-to' juba' rija' richin xtr-ajo' xqueru-torij el ri itzel tak cosas e e'o chupan ri r-achoch.)*

Marcos 2:25-28; DyC 59:11-12; DyC 68:29.

(Vi ri k-ach'alal man utz ta nu-tz'et ri escritura o ni-cacot juba', c'o modo chi ye'a-cusaj re preguntas re':)

- ¿La xta-bij juba' chike achique roma ya-cacot chirij re escritura re'?
- ¿La na-bij rat chi ri Ajaf man xkojru-ben ta bendecir vi utz nika-takej ri uxlanibel k'ij?
- ¿La nav-ajo' ta nav-etamaj ri achique niqui-ben ri e c'o chupan ri Ru-iglesia ri Jesucristo chupan ri uxlanibel k'ij?
- ¿Achique na-ben rat chupan ri k'ij domingo?

(Tok na-nabej ri achique ru-nojibal rija', ta-to' richin xtr-ajo' xtutakej ri lok'olej k'ij r-ichin uxlanibel. C'o c'a modo na-tz'ijoj chire ri a-c'uluvachin can rat o na-c'ut jun c'utbel tzij chuvech y najiquiba' chuvech chirij re pixa' re'. C'a ri', ca-k'ax apo chupan ri tijonic.)

**TIJONIC 5: TOK NIKA-TAKEJ RI PIXA' R-ICHIN RI UXLANIBEL  
K'IJ YOJ-OC MAS CHOJ Y NIK-ETAMAJ MAS CHIRIJ  
RI EVANGELIO.**

*Tijonel:* Tok x-q'uis ru-tz'uquic ri ruvach'ulef, ri Ajaf xu-ya' can jun k'ij richin chi ja ri' ri k'ij r-ichin uxlanic y r-ichin ru-ya'ic ru-k'ij ri Ajaf. Chuka' chupan re ka-k'ijul re' Rija' ru-bin can chike chi c'a ni-c'atzin na ri uxlanibel k'ij y ru-tijon chike ri achique ru-c'amon chi nika-ben chupan re k'ij re'. Tika-tz'eta' na ri achique xu-bij ri Ajaf roma ri profeta José Smit.

*Xicay:* Nu-tz'et ri DyC 59:9-10.

*Tijonel:* K-ach'alal Xicay, ¿achique ne'-c'ulun chave re escritura re'?

*Xicay:* C'ulubanic

*Tijonel:* Vacami chupan re k'ijul re', ri Ajaf ru-k'alajirisan ri achique tika-ben ri domingo. Ru-c'amon yat-apon pan iglesia qu-iq'uin ri a-familia y chuka' na-tijoj avi' ri escrituras qu-iq'uin rije'. Man utz ta yixbe-bana' divertir pa juyu' o jun chic c'ojlibel o ya-be pa cine o ch'aka chic ri niq-elesaj el ri Lok'olej Espiritu av-iq'uin. Mas utz ya-c'oje' can junan qu-iq'uin ri a-familia y man yix-lok'on ta y man can ta yalan yix-samej pa jay chuka'. ¿La achique modo na-bij rat chi ri Ajaf xcaru-ben bendecir vi utz na-takej ri uxlanibel k'ij?

*Xicay:* C'ulubanic

*Tijonel:* Roj k-etaman, k-ach'alal, chi e c'o ri yebe-bana' divertir chupan ri k'ij domingo y chuka' ri ye-samej chuva jay o pa juyu'. Pu ri Ajaf k'alaj xu-bij, "Vaki' k'ij che ri semana xquix-samej y xti-ban r-onojel i-samaj, pu chupan ri ru-vuk k'ij man ta-ben nijun a-samaj." (Exodo 20:9-10; Mosíah 13: 17-18). Roj nika-jiquiba' chavch chi ri Ajaf xcaru-ben bendecir rat y ri a-familia janila tok utz na-takej ri uxlanibel k'ij. Mas xtiv-ajo' ivi' y xti-nuc' apo ivi' r-ichin ri ru-ca'n petebel r-ichin ri Ajaf. Xtiv-etamaj mas chirij ri ru-iglesia y xquixru-to' chupan ri cojol k'ij richin ni-c'achoj i-samaj. K-ach'alal Xicay, ¿la c'o ri achique yixru-chamaba' richin man na-takej ri uxlanibel k'ij?

*Xicay:* C'ulubanic

*Tijonel:* K-ach'alal, ri Ajaf ru-yo'on chike re pixa' re' roma yojr-ajo'. ¿La xcat-apon pan iglesia r-iq'uin a-familia ri domingo? ¿La xti-tijoj chuka' ivi' ri evangelio y xti-ben ri ru-samaj ri Dios ri domingo?

*Xicay:* C'ulubanic

*(Vi ri K-ach'alal Xicay c'a ni-cacot na, utz vi na-bij chire chi tu-tejtobej re pixa' re' jun ca'i' oxi' semanas richin*

Mateo 5:48; 1 Nefi 3:7; Mosíah 12:35-36; Dyc 42:18-29.

- ¿Achiqne nu-b'ij ri Ajaf chupan re versiculos re'?
- ¿La xcat-oyover vi nika-b'ij chave chi ri Ajaf man utz ta yeru-tz'et re imágenes e c'o pan av-achoch?
- ¿La nav-ajo' na-ben ri nu-rayij ri Ajaf?
- ¿La xtav-elesaj el ri imágenes y vachibel y ri crucifijos ri c'o pan av-achoch?

(Tok nu-na' ri av-ánima chi rija' nuc'tajinek chic, ta-chapa' chic ru-tijoxic.)

Juan 14:21; Apocalipsis 22:14; Alma 9:13.

quere' xtu-c'ul jun ru-jiquital rija' pa ru-vi' re pixa' re'.)

### TIJONIC 6: RJ LAJUI PIXA' XE-YO'OX CHIKE RICHIN YOJQUI-YUKEJ K'IJ K'IJ.

*Tijonel:* K-ach'alal Xicay, ri Ajaf chuka' e ru-yo'on chike ri Lajui Pixa' richin yojqui-yukej k'ij k'ij. Tika-tz'eta' achique ru-baniquil ri Lajui Pixa'. (Ta-bij chire chi quere-tz'eta' ri moc'aj 3-11 r-ichin ri Exodo 20. Ta-tzekelbej ri pixabanin r-ichin ri Lok'olej Espiritu chave y ta-to' ri k-ach'alal richin utz ni-k'ax pa ru-vi' re pixa' re'. Vi e c'o tak tiow pa r-achoch o vi nu-cusaj ri chuti eruz chirij ru-kul, c'o modo ye'a-cusaj ri preguntas e c'o pa r-ajwocon re vuj re', chirij ri r-o' moc'aj richin chi ri k-ach'alal nu-nabef chi ri Ajaf man utz ta yeru-tz'et ri tiow.)

Ri Ajaf oj ru-pixaban chi tika-ya' ru-k'ij Rija' y tika-ya' pa cuenta ri lok'olej r-uchuk'a' y man itzel ta tika-nataj ri ru-bi'. Quere' nika-ben vi yeka-takej re pixa' re'. Ri Ajaf xu-bij, 'Y majun c'a ri ru-xajan ri vinek chuvech ri Dios, ni man petenek ta chuka' ri r-oyoval chirij nijun. Xa chiquij achique ri man niqui-na' ta pe ri ru-k'a' Rija' pa ru-vi' r-onojel y man yequi-takej ta chuka' ri ru-pixa'." ¿La nu-na' ri av-ánima chi c'o modo ye'i-takej rix re pixa' re'?

*Xicay:* C'ulubanic

*Tijonel:* Queka-bana' na leer ri ch'aka chic pixa'. Niqui-bij c'a chike chi tik-ajo' ki' y yek-ajo' ri k-achpochel. (Ta-bana' chi ri k-ach'alal yeru-ben leer ri moc'aj 12-17 y ta-to' richin ni-k'ax pa ru-vi'. Ca-ah'o ri achique yaru-pixabaj ri Lok'olej Espiritu.) Re pixa' re' yojqui-pixabaj chi nika-nimaj tzij ri ka-te' ka-tata' y chi nika-ben ri utz qu-iq'uin ri k-achpochel richin queri' niqui-cukuba' qui-c'u'x k-iq'uin. Ri Lajui Pixa' niqui-tijoj chike chi tik-ajo' ri K-ajaf r-iq'uin r-onojel k-ánima y chi quek-ajo' ri k-achpochel achi'el nik-ajo' ki'. Quere' nika-ben tok yeka-takej ri Lajui Pixa'. ¿La xque'i-takej rix c-onojel ri Lajui Pixa'?

### TIJONIC 7: NIKA-C'UL JUN BENDICION PA RU-K'A' RI AJAF TOK NIKA-TAKEJ RI PIXA' RI NU-SUJ RI BENDICION RI'.

*Tijonel:* C-onojel ri pixa' r-ichin ri Ajaf yequi-suj jebel tak bendiciones. Tika-bana' na leer chupan ri Doctrinas y Convenios.

*Xicay:* Nu-tz'et ri DyC 130:20-21.


*Tijonel:* Tok ye'a-takej ri ru-pixa' ri Ajaf, Rija' xcaru-ben bendecir. Xta-c'ul jun uxlanibel c'u'xlal pan av-ánima. Chuka' mas utz ri a-ruxnakil y mas ch'ajch'oj ri a-espíritu. Chuka' xti-cuyutej a-mac y quere' xta-chojmirisaj apo avi' richin ri ru-ca'n ru-petebal ri Ajaf. K-ach'alal, achique bendiciones xque-pe chave tok na-takej ru-pixa' ri diezmos?

*Xicay:* C'ulubanic

*Tijonel:* ¿Achique nu-na' ri av-ánima chirij ri pixa' r-ichin ru-ruxnakil?

*Xicay:* C'ulubanic

*Tijonel:* (Vi e c'o imagenes o tiow o xachibal pa jay, ta-bij:) ¿Achique c'a modo, K-ach'alal, xta-c'ut chuvech ri Dios chi nav-ajo'?





Rija' y xaxe na-ya' ru-k'ij Rija'?

*Xicay:* C'ulubanic

*Tijonel:* ¿Achique xta-ben richin chi utz na-takej ri uxlanibel k'ij?

*Xicay:* C'ulubanic

*Tijonel:* ¿Achique nu-na' ri av-ánima chirij ri pixa' r-ichin ri ch'ajch'ojinic?

*Xicay:* C'ulubanic

*Tijonel:* ¿Achique roma tok ri Ajaf ru-yo'on chike ri ru-pixa'?

*Xicay:* C'ulubanic

*Tijonel:* ¿La c'o jun ru-pixa' ri Ajaf ri man ya-tiquir ta na-takej?

*Xicay:* C'ulubanic

*Tijonel:* Tok ye'a-takej ri ru-pixa' ri Ajaf, jebel nu-na' av-ánima y yat-oc mas choj. Chuka' xtav-etamaj chi can e r-ichin vi ri Ajaf re pixa' re' tok ye'a-takej c-onojel. Ri Ajaf xu-bij: "Rija' ri xtr-ajo' xtu-ben ri ru-rayibal ri Dios, xtr-etamaj re tijonic re' vi petenek r-iq'uin ri Dios o vi yin yi-ch'o nu-yonil." (Juan 7:17.) Yin nin-jiquiba' chavech, K-ach'alal, chi re pixa' re' can e r-ichin vi ri Ajaf y chi Rija' e ru-yo'on chike roma yojr-ajo' janila. Nin-jiquiba' chavech chuka' chi tok rat ye'a-takej ru-pixa', xque'a-c'ul chuka' ru-bendiciones.

*(Ri jun chic tijonel chuka' xtu-bij ri ru-jiquibal vave'.)*

K-ach'alal Xicay, ¿achique nu-na' ri av-ánima rat chiquij re tijonic re'?

*Xicay:* C'ulubanic *(Ni-rayix chi ri K-ach'alal Xicay y ri ru-familia niqui-nataj qui-jiquibal.)*

*Tijonel:* K-ach'alal, vacami nika-ya' can av-iq'uin jun ca'i' oxí' a-vuj y xtika-c'ut chivech jun ca'i' oxí' tanaj r-ichin ri escrituras richin chi ni-ben leer juba' chic chiquij re pixa' re'. Ta-bana' jun utzil, K-ach'alal y ta-bana' orar chiquij re pixa' roquic c'a ye'a-takej na k'ij k'ij. ¿La c'o c'a modo vacami, K-ach'alal, chi na-bij chire jun ri a-familia richin nu-ben ri oración richin ni-c'achoj re c'utic re'?

#### RI XTIQUI-BEN LEER RIJE':

Ri Vuj r-ichin ri Mormon:

Moroni, tanaj 9

Ri Doctrinas y Convenios:

Tanaj 89 y 119

Ri co'ol tak vuj:

La Ley del Diezmo

¿Por qué Conservarnos Moralmente Limpios?

Una Palabra de Sabiduría

